

QK. 291.

10

v. Carlowitz

Eine Hochzeit Predigte:

Za
4810

X1580.143

Im Churfürstlichen

Schlos zu Dresden / bey der Hochzeitlichen
Einsegung vnd freude / Des Edlen / Bestrengen
vnd Ehrnuesten Asmi von Carlowitz / vnd der
Edlen vnd Ehrentugentsamen Frawen Anna
von Ende / Geschehen den 22. Februarij /
Anno 1574.

Über den Spruch Syrach am 26. Capittel.
Ein Tugentsam Weib / ist eine
Edle gabe / etc.

Durch

M. GEORGIVM LISTE
NIVM, Churfürstlichen Sächsischen
Hofeprediger zu Dresden.

UNIVERSITÄTS-BIBLIOTHEK
HALLE
(3AALE)

1574.

BIBLIOTHECA
POMICKAVIANA

Faint, illegible text at the top of the page, possibly bleed-through from the reverse side.

Large block of faint, illegible text in the middle of the page, likely bleed-through from the reverse side.


Faint, illegible text located in the lower middle section of the page.

Large, faint numbers '1274' written in the bottom center of the page.



Dem Edlen Bestren-
gen vnd Ehruesten Rkmen von Carle-
witz/ meinem günstigen Junckern/ vnd
guten Freundte.

Gnad vnd Fried von Gott dem Vater
durch seinen geliebten Sone vnsern Herrn
Jesum Christum/ sampt meinem Gebete/
vnd willigen diensten zuuor.



S OLEX / Bestrenger vnd
Ehruester Juncker/ Nachdeme der ges-
trewe fromme Gott / welcher ein Liebhas-
ber/ stifter / erhalter / förderer vnd schüs-
ser des heiligen Ehestandes / vnd dage-
gen ein feinde / hasser vnnnd straffer / des
wilden/ vnzüchtigen / bübischen Volckes
ist/ Ewer Bestreng mit einer Gottes-
fürchtigen vnd Ehrntugentsamen Bespons vnnnd Ehegemahl /
durch ordentliche Christliche mittel allergnedigst vorsehen / So
wünsche ich euch beiden zu ewrem Gottseligen Ehestandt von
Gott dem Allmechtigen / glück/ segen/ heil vnd alle wolfarth /
das jr in aller Gottesfurcht/ zucht vnd Erbarkeit/ darzu in rech-
ter Ehelicher liebe/ fried vnnnd einigkeit bey einander wonen /
Gottes segen an Kindes kinderen/ vnd fried vber Israhel sehen
mögel.

A ij

Vnd

Vnd weil ich dann auff Churfürstlicher Durchlauchtig-
tigkeit / gnedigstes begeren vnd befelch / Ewer Ehrnuest mit irer
geliebten Gespons / den Sontag Esto mihi, zu abents im Na-
men der heiligen Dreyfaltigkeit Copuliret vnd zusammen gege-
ben / auch volgendts Montags die Hochzeit Predigte / in der
Schloßkirchen gethan / Als habe ich solche Predigte schrift-
lich vorfasset / vnd auch andern zu lesen (Sintemahl mich eklic-
che fromme Gottfurchtige Christen darumb gebeten) in öffent-
lichen Druck gegeben / Vnd wil mit solcher meiner Predigte /
E. G. vnd derselben Ehegemahl günstiglich vorehret haben /
mit freundtlicher bitte E. G. wollen solche zu günstlichem ge-
fallen erkennen / auffnehmen vnd Christlich gebrauchen / Thu
hiermit E. G. sampt derselben geliebten Gespons inn Gottes
des Allmechtigen schutz vnd schirm treulich befehlen / Geben
zu Dresden den 26. Februarij / Anno 1574.

E. G.

williger

M. Georgius Listenius /
Churfürstlicher Sechsischer
Hofeprediger.

Eine Hochzeit Predigt:

M. Georgij Lixtenij/ etc. Über den spruch
Syrach am 26. Capittel.

Ein tugentsam Weib/ ist eine edle
Gabe/ vnd wirdt dem gegeben/ der
Gott fürchtet / er sey Reich oder
arm/ so ist's im ein trost/ vnd macht
in allezeit frölich.

Auslegung.

S Eliebten vnd andechtigen im Herren / Syrach
Der heilige vnd weise Mann / redet vnd leret alhie
von einem frommen Ehegemahl/ wo für es an-
zusehen / vnd zu halten sey.

Vnd können vnd sollen diese Wort des weisen
Mannes/ auff beide seiten gezogen vnd gesetzt werden/
Nemlich also/ was ein Ehemann von seinem frommen
Weibe dencken vnd halten sol/ das sol hirtwiederumb
ein Eheweib/ von irem frommen Manne auch denck-
en vnd halten / Ist ein frommes Weib ein Edle gabe
Gottes / so ist ein Gottfürchtiger Mann/ nicht weniger
vor eine köstliche Gottes gabe zu erkennen.

Es redet aber dieser heilige vnd weise Mann/
nicht nach der Welt art vnd brauch / auch nicht auff

A iij

der

der Ketzer / vnd etlicher Heydnischen Poeten vnd
Schreiber weise / welche gemeiniglich von dem heiligi-
gen Ehestande / vnd den armen Weibspersonen / auff
das vorechtlichste pflegen zu reden vnd zu schreiben /
Sondern er fñrt des heiligen Geistes sprache / vnd
weise zureden / Desselben mundt / vnd trewer werck-
zeug ist er in dieser Predigte / vnd geschicht in diesen
kurzen Worten / des gesetzten textes / von dreien vnder-
schidenen stücken meldunge.

Erstlich / was wider des Gottlosen hauffens /
in der welt meinunge / von einem frommen vnd tu-
gentsamen Weibe zu halten sey.

Zum andern / Weme / oder welchen Manne /
von Gott ein solch from vnd tugentsam Weib / besche-
ret vnd gegeben werde.

Zum dritten / Was ein Man eines tugentsam-
men Weibes gebessert sey / vnd was er guts von ihr
bekomme.

Diese drey stücke / sollen mit Gottes hñlff vnd
beystandt / nach einander fürgenommen / vnd aus
heiliger Schrift erkleret vnd ausgelegt werden.

Vom Ersten.

Ehe wir sagen / was von einem tugentsamen
Weibe zu halten / ist von nöten / das wir zuuor aus der
heiligen schrift lernen / was ein tugentsam Weib sey ?

Solches bringt der name tugentsam mit sich /
den ein tugentsam Weib mus sein vnd heissen / ein solch

Weib /

Was ein tugentsam
Weib
Dij.

Weib in welchem viel tugenden (die ein Weib haben sol) zusammen kommen / das sie mit den tugenden begabt sey / die Gott von Weibspersonen fordert.

Eines fromen Eheweibs tugenden aber / mit welchen sie gezieret vnd geschmückt sein sol / sind diese.

1. Erstlich / soll sie Gottfürchtig sein / das sie Gott kenne / desselben wort gerne höre vnd lerne / Auff solche tugendt sihet Salomon / da er von Weibern redet / die er vor Lobwirdig achtet / Prouerb : 31. Lieblich vnd schön sein / ist nichts / ein Weib das den Herren fürchtet / sol man loben. Syrach cap. 1. Die fürcht des Herren / ist der Weisheit anfang / vnd ist im hertzen grundt allein bey den gleubigen / vnd wonet allein bey der auserweltsen Weibern. etc.

2. Fürs ander / sol sie irem Manne vnderthänig sein / vnd in für iren herren halten / dem Weibe gebüret das Regiment vnd herschunge vber den Man nicht / viel weniger sich wider inen auffzulehnen vnd zuuorachten / Diese tugend befiehlt Gott dem ersten weibe / der Eua / da er spricht : dein wille soll deinem Manne vnterworffen sein / vnd er soll dein Herr sein. Vnd S. Paulus Ephe : 5. Die Weiber sein vnderthan iren Männern / als dem Herrn / den der Man ist des Weibes heubt. Wie nun die gemeine Christo ist vnderthan / also auch die Weiber iren Männern in allen dingen. Eben also redet er auch zum Coloss. am 3. Item / S. Petrus 1. Pet. am 3. Da er auch exempel

Virtutes
mulierum
sunt

1
p. 1. f. 1.

prob. 31

sy. 1

2
obediencia
et humilitas

ephe 5

col. 3

1 pet. 3

1 pet. 3

setzet / von der Sara vnd andern heiligen weibern / die
ire hoffnung auff Gott gesetzt haben / vnd ihren Men-
nern vnderthan gewesen seindt / vnd haben sie Herren
geheissen / Den das ist billich vnd recht / das der Man
im hause Herr vnd regierer / die Fray vnderthenig /
vnd gehorsam sey,

Es erfordert auch die ehre / denn das Alter sol
ja billich die ehre haben / Weil dan der Man zum er-
sten geschaffen worden. Ehe dan das Weib / So ge-
bürt ime auch billich der fürzug. Daher saget Pau-
lus / 1. Timoth. 2. Einem weib gestatte ich nicht / das
sie lehre / auch nicht das sie des Mannes herre sey / son-
dern stille sey / Denn Adam ist am ersten geschaffen.
Darnach Eva. Vnd 1. Corinth 11. Christus ist des
Mannes heupt / der Man aber des Weibes heupt /
Vnd furz darnach am selben ort / spricht er / der Man
ist Gottes bild vnd ehre / denn der Man ist nicht vom
Weibe / sondern das Weib ist vom Manne / vnd der
Man ist nicht geschaffen omb des Weibes willen / son-
dern das Weib omb des Mannes willen / damit nun
dem Manne seine gebürliche ehre erzeiget werde / ist es
billich / das im das weib vnderthenig sey.

3. Zum dritten / sol sie iren Man lieben / alle
trew vnd guts beweisen / Davon leret auch Salomon
Prouerb : 31. vnd spricht : Ein tugentsam Weib thut
irem Manne liebes / vnd kein leides / jr lebenslang. Also
vermanen Raguel / vnd seine Hausfray Hanna /
ire

13
charitas.

ire tochter Saram / das sie ja ires Mannes Eltern ehren wolte / als ire eigene Eltern / vnd iren Man lieben / Tob: 10. So haben wir in der heiligen Schrifft vnd auch sonst in den Heidnischen Historien / die aller schönsten exempla / von ehelicher trew vnd liebe / frommer tugentsamer Eheweiber / gegen iren Ehemennern.

Wie Sara / Rebecca / Lea vnd Rahel / iren liebsten Ehemennern geuolget / mit inen gereiset / vnd alle trew vñ liebe gegen inen beweiset / bezeuget die heilige Bibel.

Michal / des Königes Sauls Tochter / hat darinnen eheliche liebe vnd trew beweiset / das sie ihrem Manne David heimlich dauon halff / vnd an einem Seyle zum Fenster ablies / als ihn Saul suchen lies zu tödten 1. Samuel. 19.

Hippocratea / Des Königes Mithridatis Gemahel / hat auch ihr lieb vnd trew gegen ihrem Herrn beweiset / denn sie zoge Manskleider an / lies ihr auch die Haar abschneiden / vnd trit wie ein Man gewapnet mit irem Herren dauon / ist viel lieber mit ihm in elende vnd gefehrlichkeit gewesen / dann das sie solte im Königreiche bleiben sein. Darumb auch / da er vom Gn. Pompeio vberwunden war / vnd entrinnen muste / ist sie im mit tapfferem gemüth vnd aller beschwerlichkeit ganz trewlich nachgeuolget / solche trew hat dem Könige in seinem unglücke vnd leiden / nicht wenig trost gemacht / Valer. Max. lib. 4 cap. 6.

B

Wir

Wir lesen von ehlichen Lacedemonischen Weibern/ die nicht mehr begert haben/ denn ihre gefangene Männer/ so die Spartaner/ von wegen des auffruhrs gefangen gelegt/ vnd sie zu tödten gedachten/ noch einmahl in geheim vor ihrem tode anzusprechen / als ihnen das von den Hütern vorgünt worden / haben sie mit den kleidern umbgewechselt / vnd ihrer Männer kleider angezogen/ in auch die haar im angesicht zuuor abgenommen/ vnd ihre Männer also lassen hinaus gehen / mit kleglichen geberden/ vnd bedeckung des angesichtes/ vnd seindt sie an derer stat im gefengnis blieben/ vnd sich in leibes vnd lebens gefahr / vor ihre Männer gegeben.

Als der Römer Prescus vom Keyser Nerone aus Rom verjaget war / sein lebenslang die Stadt zu vermeiden / vnd sein Weib Antonina Flacilla hette können zu Rom in ihren herrlichen gütern bleiben / hat sie ihren Man also geliebet / das sie haab vnd gut lieber dann ihren Eheman / vorlassen/ vnd ist mit ime in elende geblieben.

Chelonia/ ein gemahl des Spartaners Königes/ Cleombroti / da dieser ihren Vater Leonidam / so auch ein König der Spartaner/ ins elende verjaget hatte/ hat sie so sehr vor den Vater bey ihrem Herren gebeten/ das er in wider auffgenommen / Da sich aber das glück umbkeret / das Cleombrotus wider von dem Leonida verjaget war / vnd sie wol hette in guter ruhe
vnd

vnd wolfarth bey dem Vater im reich bleiben können /
wolt sie ihren Herren nicht vorlassen / wolt viel lieber
im elende bey ihrem Herren sein.

Die Stulpitia / als jr Man aus Rom veriaget
war / ist sie mit im in Mans kleidern ins elend verrei-
set / auch heimlich wider irer Mutter willen.

Argia / eine Königin aus Griechenland / als sie
hörete das jr Ehegemahl Polinites / der seinem Schwe-
her in einem Kriege zu hülff kommende / danieder ge-
legen war / macht sie sich heimlich aus der Stadt /
auff die Wahlstat mit einer Latern / bey nacht / suchet
vnter den erschlagenen / so lang bis sie iren Herren
fandt / tödlich verwundet / erkalt vnd verblut / den
umbfieng sie herzlich / klagt in bey jm sitzende die gan-
ze nacht / zum zeugnis irer weiblichen trew / veracht
alle furcht der todten körper / vor eitel liebe.

In der Engellender historien / liest man vom Kö-
nige Ruprecht in Engellandt / als er im gelobten Lan-
de / mit einer vergifften wehre / tödlich an einem Arm
verwundet war / vnd nicht gesundt werden kondt / es
were dann sache / das jm ein ander die Giffst aus der
wunden aussöge / welcher denn auch schwerlich würde
leben bleiben / da hat er niemand in solche gefahr sich
zubegeben dringen wollen / aber da es sein liebes Ge-
mahl / die Königin innen geworden / hat sie irem Her-
ren schlaffend / die Giffst aus der wunden zu saugen an-
gefangen / vnd als der König erwacht / auch mit nich-

B ij ten

ten nachlassen wollen/ bis sie die Gifft aus der wunden genzlich gebracht hat / denn sie die Gifft allewege von jr gespeiet oder gesprüzt / vnd hat jr Gott geholfen / das jr die Gifft nicht geschadet/ hat also iren herren beim leben erhalten.

Als Keyser Conradt die Stadt Wenisberg beslagert hatte / vnd es vnmüglich war / das sich dieselbe für im hette erhalten können/ hat des Fürsten von Beyern Gemahl / den Keyser gebeten / das er jr vnd andern Weibern / so gnedig sein wolte / vnd vergönnen/so viel aus der Stadt mit zunemen von dem iren/ als sie tragen köndten / Solchs erlangt sie leichtlich bey dem Keyser/ denn er ein frommer Herr war/ vnd gedachte / sie würden vielleicht ire Kleinot vnd Kleider mit sich nemen. Aber als man die Stad auffgab/ nam die Fürstin/ vnd die andern Weiber / ein jegliche iren Herren vnd Man auff iren rücken / vnd halffen inen also aus Leibs gefahr / dann der Keyser sonst so hart auff sie verbittert war / das er inen am leben nicht geschonet hette.

Zur zeit des Keyfers Augusti / als man zu Rom den tod des Römischen Keyfers Julij Caesaris also gerechnet / das jr viel/ so in die acht erkleret waren/ zu Rom ertödtet würden / da war zu Rom ein edel from Eheweib / Tansia genant/ die hat iren Eheman Titum Junium/ der auch als ein Echter zu tödten gesucht war/ in eine kisten verschlossen / vnd denselben zu
einem

einem freygelassenen knecht/Philophoemenes genant/
tragen vnd bey ihm vorwaren lassen/ damit er inn
seiner behausung bey der Tansien gesucht / nicht
erfunden würde/ hirmit hat sie ferner auff mittel ge-
tracht / das irer lieber Eheman also vnuorlezt ent-
runnen vnd dauon kommen.

Man liest von der Tygranis/ das sie den König
Cyrum / im kriege wider die Assyrer nicht habe wollen
vorlassen/ Sondern ist bey ihm in aller gefahr treulich
gestanden.

Turia hat iren Man/ dem die Stadt
Rom zu meiden / bey leib vnd gut vorbotten was /
heimlich verschlossen/ vnd viel jar ernehret / Solches
thet sie mit grosser gefahr/ welches so es auskommen
were/were sie mit ime gewislich vmb das leben komen.

Paulina/ des geleerten Mans *Seneca* weib/ do sie
gesehen/ das der Tyran Nero/ irem lieben Manne die
Adern hat schlagen lassen/ vnd er sich zu tode geblüt /
hat sie ir die adern auch schlagen lassen/ vnd auch sich
tod zu blüten gedacht. Der Tyran Nero aber/ hat ir
die adern zubinden lassen / damit sie irem Manne im
tode nicht nachuolgen solte.

Epicharmus sagt/ Eines frommen Weibes edelste
tugend ist/ das sie iren Man auff keinerley weise / zu
zorn oder vnwillen bewege. Also liest man vō einem
Heidnischen Weibe/ Ennia genant/ das sie iren Ehe-
man in 43. jaren/ mit keinem wort oder werck erzür-
net habe. Vnd die Terentiana war mit irem Man

ne/ den sie fünff vnd zwanzig jar gehabt / nie vneins
worden. Das seindt doch nur sehr herrliche vnd lieb-
reiche Exempel. Eine Heidnische Frawe / Theano
geheissen / hat gesaget / Das ist eines Weibes ampt /
das sie irem Manne gefalle / vnd thue was ihm lieb
vnd dienst ist.

4

rautw,
mitus.

4. Zum Bierden / sol sie vorschwiegen sein /
was ir von irem lieben Manne vortrawet wirdt / bey
sich behalten / vnd auch sonst nicht weschafftig sein /
das sie von einem ort zum andern plaudert / Sprach
cap. 26. Ein Weib das schweigen kan / das ist eine
gabe Gottes / vnd widerumb saget er / Cap. 25. Ein
weschafftig Weib / ist einem stillen Manne / wie ein
sandiger weg hinauff einem alten Manne.

Admanus.

5. Zum fünfften sol sie freundlich sein / mit
holdseligen tugenthafftigen geberden / iren lieben Man
zuerfrewen / vnd zergehen / Sprach 26. Ein freund-
lich weib / erfrewet iren Man / vnd wenn sie vernunft-
tig mit ihm ombgehet / erfrischet sie im sein hertz. Vnd
cap. 37. Eine schöne Fraw / erfrewet iren Man / vnd
ein Man hat nichts liebers / wo sie darzu freundlich
vnd from ist / so findt man des Mannes gleichen nicht /
Solche Weiber nennet S. Petrus eines stillen vnd
sanfften geistes / welche köstlich für Gott sein. 1. Pet. 3.

Syr. 26.

Syr. 37.

1 Pet. 3.

Mum'en.

Zu der Monica S. Augustini Mutter / kamen
etliche der Christen Weiber / vnd beklagten sich ober
die Menner / mit denen sie sich Gampeln vnd beissen
musten /

müßten / worden auch oft drüber geschlagen / fragten
sie / wie sie doch thete? nachdem sie einen Heidnischen
Man hette / der darzu ein Tirannisch gemüth / vnd ein
zorniger / wunderbarlicher Kopff were / man hörte
gleichwol nicht / das er sie vbel hielte / oder sich mit ir
kiesse oder bisse / welches doch ire Menner theten / die
doch Christen weren / hierauff antwort die liebe Mo-
nica / ich besorge lieben Schwestern / ir werdet ewern
Mennern grosse vrsach zum zancf geben / ich thu im
also / wenn mein Hausroirt schilt vnd poltert etc. So
gehe ich hin schweige still / verhöre vnd bete der weile /
wil sichs aber leiden / so antworte ich im mit freund-
lichen Worten vnd geberden / Mit solcher weise breche
ich meinem Manne seinen zorn / das wir also ganz
freundlich leben / hab auch hiemit ihn dahin bracht /
das er auch ein Christ ist worden / Darumb thut ir
dergleichen / so werdet ir allem hader vnd zancf vor-
kommen.

6. Zum Sechsten / sol sie züchtig sein / die
ehre verwaren / nicht geil / frech vnd vnschampar in re-
den vnd geberden / Syrach am 26. cap. Es ist nichts
liebers auff Erden / dann ein züchtig Weib / vnd ist
nichts köstlichers dann ein keusches Weib. Wie die
Sonne / wann sie auffgegangen ist / in dem hohen
Himmel des Herren / eine zierde ist / Also ist ein tu-
gentfam Weib ein zierde in irem hause. Diese tugend
der zucht / befehlen der Sara / das Tobie Weib ire
Eltern zum aller fleissigsten / Tobie am 10.

⁶
Castrus.
Syr. 26

1 Tim. 5

1. Timothy. 1. Die Weiber sollen bleiben im glauben / liebe / heiligung vnd zucht.

Ein schön herrlich exempel der ehelichen trew vnd zucht / haben wir an der keuschen Susanna / welche sich weder gewalt noch ansehen der zween Eltisten vnd fürnembsten Richtern bewegen lies / jr Ehebett zube flecken.

5. Sichtas
f. h. 72

7. Zum siebenden / Sollen sie vorstendig / nahrhafftig vnd heuslich sein / Salomon Prouer. 12. Ein fleissiges Weib / ist ein Krone jres Mannes / aber eine vnfleissige / ist ein eitter in seinen gebreinen.

14.

Cap. 14. Durch weise Weiber / wirdt das haus erbarwet / eine Merrin aber brichts mit jrem thun.

31.

Item Cap. 31. Der Man so ein tugentsam weib hat / desselbigen hertz darff sich auff sie verlassen / vnd narung wirdt jme nicht mangeln. Syrach Cap. 26.

Ein heuslich Weib / ist jrem Manne ein freude / vund macht jme ein fein ruig leben

Vnter diese tugendt gehöret auch / das sie fleissig sein / inn der kinder zucht / vnd dieselben zu Gottes furcht / vnd dem Gebete halten / auch gerne mit jnen von Gottes wort reden / vnd zu allem guten gewenen / Von solcher tugent vnd Ampt der Weiber / redet die Schrifft an vielen örtern / Deut. 6. Exodi 13.

Vnd Syrach cap. 3. saget / das die Mutter die kinder sol heissen gutes thuen / welches der Herr von den Kindern wil gehalten haben. Item Cap. 23. Heist er

er

er die kinder/ des Vaters vnd Mutter Vere nicht ver-
gessen/ etc. Daraus folget/ das die Mütter sampt
dem Vater die kinder lehren sollen.

Vnd was were das vor eine Mutter / die sich der
Kinder in diesem / nicht annemen / sondern sie wie das
vnuornünfftige vihe / auff irem zaum gehen lassen
wolte. Darumb ist nicht die geringste tugend an einem
Weibe/das sie verstendig ist/ vnd fleißig die kinder/ so
ir Gott gibt wol zu ziehen.

In diesen erzelten Sprüchen vnd Historien/ wird
angezeigt / welche tugenden an den Eheweibern für-
nemlich sein sollen / vnd ein Weib/ das sich solcher tu-
genden befließiget / das heist nach Göttlicher schrift
bericht / zeugnis vnd aussage/ billich ein Tugentsames
Weib.

Wo für sol man denn nu ein solch Weib halten?

Darauff antwortet der Text/ für eine Edle gabe/
Er nennets nicht schlecht eine gabe / sondern ein Edle
gabe / die edler ist / dann alle andere scheke.

Lieber möchtestu fragen/ wo von ist sie denn so Edel?

Antwort.

Erstlich/dauon das sie von Gott kömpt vñ gegeben
wird/ den ein Eheweib haben vnd bekommen ist Gottes
gabe. Viel seind der meinunge/ das es eine schlechte
kunst sey/ zu einem fromen Ehegemahl zukömen/ auch
seind ir viel/die dencken/es gehe vngesehr zu/ Gott bes-
kümmere sich darüber nicht gros/ wie dieser oder jener
beweibet

2.
vor für ein
tugend von
weib zu
halten
für eine edle
gabe.

1.
La a Dro
pak.

beveibet werde/ Ich geschweige das wol rohlose leste-
rer befunden werden/ welche sagen dörrffen / Es habe
sie der Teuffel / oder böse Leute beschmissen/ das sie ge-
freiet / vnd zu Weibern kommen sein/ etc.

Die Schrifft aber redet hiernon viel anders/vñ
saget ausdrücklich / das Gott wol wisse/wie man zum
Ehstandt komme / Ja er ist der / der einem jeden sein
Ehegemahl seines gefallens/ zuordenet vnd giebet /
Wens auch schon durch menschliche mittel geschicht /
so wil er doch den namen tragen / das er die Ehe stift-
tet / vnd das Ehegemahl bescheret.

Darumb so redet der weise König Salomon im
seinen Sprichwörtern / am 19. durch den heiligen
Geist also daruon/ Haus vnd güter (spricht er) erben
die Eltern / Aber ein vernünfftig Weib kompt vom
Herrn. So weisens auch die Exempel aus/ wie
Gott die Weiber vnd Ehegemahl bescheret.

Adam/ vnser Erster Vater/ hette zu keinem weibe
kommen können/ Gott musste sich seiner annemen /
vñ musste im ein weib schaffen/ selbst zufüren vñ geben.

Abrahams knechte/ der dem Isaac sein Gemahl
die Rebecca suchen / vnd freyen solte / ordnet Gott
ein Engel zu / der im beystehet/ das er die Rebecca aus
ires Vaters hause/ zu seinem Herren bringet / Vnd
stehet ausdrücklich im texte / da die Brüder der Re-
becca/ dem knechte/ auff seine werbunge antworten
sollen/ das sie sprechen/ Das kömpt vom HERN /
darumb

*man
vnd
gristen
wenn
finden
einer
offen
freyen
17*

darumb können wir nichts wider dich reden/ etc. Ge-
nesis am 24. Capit.

In der Historien Tobie/ da der junge Tobias aus-
zeucht/ stehet geschrieben/ das sich der Engel Raphael
in gestalt eines jünglings/ der sich als ein wanderman
ausgemacht hatte/ zu jme gesellet/ vnd füret in aus /
brenget in in Raguels haus / das er desselben Man-
nes einige Tochter / die Sara zum Weibe bekömmet.
Derhatben als der junge Tobias gegen seinem Vater
die wolthaten erzelet / welche jme der Herre durch den
Engel erzeiget hatte/ da rhümet er nicht / das er sein
Weib Sara von sich selbst/ durch seine anschlege vnd
geschickligkeit bekommen habe / Sondern er spricht /
Er / (der Herr durch beistandt/ vnd anweisung sei-
nes heiligen Engels) hat mir zu diesem weibe gehulff-
fen. Aus welchem man wissen vnd lernen sol/ das es
Gottes gabe vnd bescherunge ist/ ein weib/ vnd son-
derlich / ein frommes tugentsames weib bekommen.

Wer auch diesem bericht der Schrift nicht glau-
ben wil/ der sehe in die gemeine tegliche erfahrung / da
wird er wol befinden/ wie es sich so wunderlich zutregt
mit den Freyheten/ das mancher an dem ort zu freien
kompt/ da er sein lebenlang nie hin gedacht hat/ welche
erfahrung zeuget / das Gott / vnd kein anderer dieses
also ordnen mus. Darumb weil ein Ehegemahl
Gottes gabe ist/ so ist sie vmb des willen / der sie gibt /
für ein Edel kleinot zuachten. Denn so der Geber vnd

G ij

bescherer

bescherer solcher gabe/ hoch vnd edel ist/ So ist die gabe
vmb seinen willen auch nicht geringe vnd verech-
lich zuhalten.

Über solches aber/ ist es Gottes gabe/ dz das weib/
so Gott bescheret tugentsam ist/ denn Gott allein gie-
bet vnd pflanzet die tugent/ in die hertzen der frommen
Weiber/ Wie geschriben stehet / Jacobi Cap. 1. Alle
gute gabe/ vnd alle vollkommene gabe/ kompt von oben
herab / von dem Vater des lichts. Derwegen mus
man souiel deste mehr sagen / das ein Weib ein Edle
gabe ist/ wenn sie Gott mit tugenden geadelt vnd bes-
gabet hat. Vnd wird von dem Könige Salomon
recht geredet / das ein tugentsam Weib viel Edler ist/
denn die köstlichsten Perlen.

Zum dritten wirdt ein Ehegemahl auch billich
darumb eine Edle gabe genennet/ das Gott dasselbe/
vmb wichtiger vnd nützlicher vrsachen willen/ dem
Manne zuordenet. Denn erstlich ordent er sie ihm
zu/ das sie vmb in/ vnd sein trewer gehülffe sey/ in al-
len dingen / Im Gottesdienst / in der arbeit vnd kinder
zucht / in tragunge liebes vnd leides. Darnach ist
sie im gegeben / das sie das mittel sey / durch welches
der Man ordentlicher weise kinder zeugen / die Erde
erfüllen / vnd Gott sein Himmelreiche mehren helffe /
Item/ das er vor Hurerey vnd vnzucht/ vnd der straf-
fen Gottes / die vber solche sünden kommen / behütet
werde.

Umb

1. Cor. 1.

Ep. ad Rom.
1. Cor. 1.

2.



Umb dieser erzeleten vrsachen willen/ wird billich
ein frommes tugentsames weib/ eine Edle vnd köstliche
Gabe genennet/ darumb man von einem tugentsamen
weibe / nicht anders halten vnd reden sol/ denn das es
Gottes Edle Gabe/ vnd ein hoher schatz ist.

Wie sol aber ein Cheman solche edle gabe Gottes/
R Nemlich sein frommes tugentsames Cheweib halten/
denn man pflaget ja/ die herrlichen gaben/ So Keyser/
Könige/ Fürsten vnd Herren/ von Hofe / iren dienern
austeilen vnd schencken/ hoch/ thewr vnd werdt zuhal-
ten / Nu ist ein frommes tugentsames Weib / warlich
ein solches herrliches vnd köstliches gescheneck vnd ga-
be/ welche der Keyser aller Keyser / vnd König aller
Könige / Nemlichen Gott der Allmechtige von seinem
Keyserlichen vnd Königlichen Hofe/ das ist / vom Hi-
mel schencket vnd giebet/ Derhalben auch solche edle
gabe vmb des Gebers willen / hoch/ thewr vnd werd sol
gehalten vnd geliebet/ auch dem Geber von herzen da
für gedancket werden. Dancket doch mancher Gott /
wenn im ein frommes getrewes gesinde zukümpft / wel-
ches doch fahrende habe ist/ vnd iren dienst von einem
ort an andern verrücken / Sol man denn Gott nicht
dancken / wenn er einem ein from getrew Chegenossen
zuweist / damit man Haushalten / vnd das ganze le-
ben zubringen mus.

Es sol aber ein Cheman sein liebes Weib lieben/
der Schöpfung vnd der Göttlichen Ordnung hal-
ben / denn Gott hat die Euam/ das erste Weib/ nicht
von der Erden gemacht/ sondern von Adam/ vnd sol-
ches nicht vom Heupt oder füßen / Sondern er nam

S iij

eine

*Wie ein Kind
folgt vater
geb Gottes?
Salt?*

Similr.

similr.

*R
wylst du
lieben.
vor ev dim*

eine Kiebe aus Adamis seitte/ neben dem herzen/dar-
innen der sitz vnd die wohnung aller liebe sein sol / vnd
barwete das Weib daraus/ das sie solt des Mannes
gehülffe sein/ vnd mit im gutes vnd böses leiden/ vnd
der Man sol sie lieben als seinen eigenen Leib / Vnd
hat Gott sonderlich damit/ das er das Weib aus des
Mannes riebe gemacht/ anzeigen wöllen / das Ehe-
leutte billich einander sollen sehr lieb haben / dieweil
sie einander so gar nahe vorwandt seindt. Darumb
dann eines dem andern einen Ring giebet / zur anzei-
gunge/ wie der Ring kein ende oder ort hat / also sol
auch ire liebe zwischen inen/ den Eheleuten / stetts für
vnd für wehren/ vnd nicht auff hören oder ein ende
nemen. Vnd weil der Ring gülden/ das ist/ des besten
Metals ist/ wirdt damit angezeigt/ dz auch die höch-
ste liebe vnter inen sein sol / etwas mehr / denn sonst
eine gemeine liebe / Vnd wie der Ring sich zusamen
schleuffet / also sollen auch ire herzen vereiniget / vnd
zusammen geschlossen sein vnd bleiben / vnd gibet der-
halben eines dem andern seinen Ring/ als wolten sie
damit anzeigen/ das gleich eines dem andern sein
herz oberreichet vnd vertrauet/ vnd sich eines nach
des andern herzen vnd meinunge / richten wölle/ vnd
also sein herz in des andern wandeln/ Vnd wird der
Ring an den vierden finger gesteckt / von welchem die
Adern zum herzen gehen/ anzuzzeigen / das die liebe
sol herzlich sein.

Wie

Wie haben wir so liebliche Exempla der heiligen
Erzüäter/ vnd anderer im Alten Testament/ Welche
ire liebste Eheweiber nicht allein am leben/ Sondern
auch am tode von hertzen geliebet/ vñ dieselbigen nach
iren absterben hertzlichen beweinet vnd geklaget habē/
Als Abraham seine liebste Saram/ Isaac seine Re-
becca/ Jacob seine Rahel/ etc.

*Exopta
Salva.*

Im Antonio Sabell. lib. 3. cap. 5. Lesen wir
diese Historien. Der König Darius / als er zwo
schlachten beyneben des mehren teils seines Reiches
verloren hatte/ das im der König Alexander abge-
wonnen / hat man kein zeichen einiger traurigkeit an
im spüren können. Aber da er gehöret/ das sein liebes
Weib gestorben / hat er bald die hende für die augen
gethan/ vnd bitterlich geweinet/ also das er sich auch
des weinens nicht messigen können.

Darius

Zum andern/ so sol der Man sein Weib lieben /
weil solches Gott sonderlich wolgefelt / Denn also
spricht Jesus Syrach am 25. In dreyen dingen hat
Gott ein wolgefallen/ Wenn Brüder mit einander
eins seindt/ vnd Nachbarn sich lieb haben/ vñ Man
vnd Weib sich wol mit einander begehē. Der Man
sol sich düncken lassen/ sein weib sey die aller schönste /
flugeste/ vnd hurtigste Frau auff Erden/ Vnd das
Weib sol widerumb auch so dencken/ vnd wissen / das
Gott ein sonderlich wolgefallen daran hat/ wenn sie
gegen einander freuntlich sein / vnd sich wol mit ein-
ander begehē.

*2.
mit lob-
wolgefelt*

Zum

3.

Gottes Straff
Hd x m d
Malach: 2

Zum Dritten / sol der Man sein Weib lieben /
Gottes zorn vnd straff zu vermeiden / Denn also
spricht der Prophet Malachias am andern cap. Ihr
machet den Altar des Herren vol thränen / weinen vñ
seuffzen / (spricht der HERR) Darumb wil ich ewer
opffer nicht mehr ansehen / noch etwas von ewren hen-
den empfangen. So sprecht jr / Warumb das / Dar-
umb das du Man dein liebes Weib verachtest / wel-
ches dir Gott der HERR zugeordnet hat / vnd deine
Gesellin ist / deren du dich vorpflichtet hast. Also thet
der einige Abraham nicht / vnd war doch eines grossen
Geistes / Was thet aber der einige / Er suchete den sa-
men / von Gott verheissen / Darumb sehet euch für /
vnd verachte keiner sein liebes Weib / Da vermanet
der Prophet alle Eheleute / zu friede / freundlichkeit vñ
einigkeit / dz sie sich für der verachtung ihres Ehgemals
ja wol hüten / vnd setzet inen den herrlichen vnd heil-
igen Man Abraham zum Exempel.

4
vmb der fruchte
willen.
Symb.

Zum Vierden / sol der Man sein Weib lieben /
vmb der fruchte willen / Denn hat doch oftmals ein
Hausvater einen guten baum lieb / vmb der fruchte
willen / die er bringet / wie viel mehr sol er seine Haus-
frauen lieben / vnd in ehren halten / die in die aller ed-
lesten fruchte auff erden / fromme Söne vñd schöne
töchter bringet.

vmb Gottes
beruffs
willen.

Zum fünfften / sol der Man sein Eheweib lieben /
vmb Gottes beruffs willen / Der das Weib auch zum
Miterben

Miterben der Gnaden vnd des Lebens gemacht hat.
Ist nu das Weib strefflich / so sol sie der Man mit gedult straffen / vnd mit guter vernunft / sich nicht bald den zorn vbereilen lassen / daher sagt Petrus / 1. Pet. 2. Ir Menner wonet bey ewren Weibern mit vernunft / vnd gebet dem Weiblichen / als dem schwächsten werckzeug / die Ehre / als Miterben der gnade / des lebens / auff das ewer Gebet nicht vorhindert werde / Vnd Paulus Gal. 6. Einer trage des andern last / so werdet jr das Gesetz Christi erfüllen.

1 Pet. 2.
Gal. 6.

Also haben wir aus diesem ersten stücke angehört / welcher Tugenden sich die Weibspersonen beflüssigen sollen / damit sie vor tugentsam gehalten / vnd geachtet werden mügen / Vnd wie sie der heilige Geist so hoch rühmet / als eine Edle köstliche Gabe / die von Gott kumpt / wider des Gottlosen hauffens in der Welt / beide des Papst vnd anderer vnzüchtigen buben / leichtfertiges schenden vnd schmehen / Welche nicht gnugsam hönisch vnd spöttisch / von dem Ehestandt vnd den armen Weibspersonen / wissen zu singen vnd reden / Darbey ist auch angezeiget worden / Wie ein Eheman solche Edle gabe Gottes gar lieb halten / vnd dem Gebhart / Gott dem Allmechtigen von herzen dafür dancken sol.

D

Zum

Zum Andern.

W Elchem Ehemanne/wird nu ein solch Tugent-
sames Eheweib gegeben? Darauff antwor-
tet Syrach: Es wird deme gegeben / der
Gott fürchtet. Er redet auch alhie mit vnderchied-
lichen Worten / nicht einem jeden Gottlosen menschen/
wird ein tugentsames Weib gegeben / sondern zusör-
derst deme / der Gott fürchtet.

Es tregt sich wol zu / das bisweilen ein wilder/
wüster mensch / ein frommes tugentsames weib bekömpt
des er (wie man in gemein pflegt davon zu reden) sein
lebenlang nie ist wert worden / als man im alten Testa-
ment liest / von dem Nabal / welcher ein Narr war /
vnd hatte ein klugs / frommes vnd tugentsames weib /
die Abigail / Item die fromme Monica / des heiligen
Augustini Mutter / als ein heilig / Gottfürchtig vnd
tugentsames Weib / musste einen wunderlichen bösen
vnd Heidnischen Man haben.

Auch gleicher gestalt kömpts / das ein frommer
Man / eine böse bestia / ein vnartiges / vntugentsam
Weib bekompt / wie des die Schrift vnd erfahrung
Exempel geben. Aber dieses geschicht nicht ordent-
licher weise / vnd hat Gott seine vrsachen / warumb
des zuweilen also gehen lest.

Offt wil Gott durch ein tugentsames frommes
Weib / ein wilden vnd bösen Menschen bekeren /
Item /

Ztem/ vngelücke vnd andern Jammer verhüten / welches sonst ein vnartiger Man anrichten köndte/ Wie durch der Tugentsamen/ vnd vorstendigen Abigail / fürsichtigkeit verhütet ward / das der König David nicht aus zorn/ den nerrischen Nabal/ vnd sein ganzes haus erwürget/ 1. Samuel. 25.

Ordentlicher weise aber spricht Syrach gehets also zu / das einem frommen Manne/ der Gott fürchtet / ein tugentsam Weib gegeben wirdt.

Lieber was heist denn ein Gottfürchtiger Man?

Hierauff antworten der erste / vnd der 128. Psalm / Die beschreiben recht einen Gottfürchtigen Man / dahin ich euch geliebten Zuhörer wil remittirt vnd gewiesen haben.

Dann einem solchen Manne der auff den wegen des Herren gehet / vnd nicht auff der Sünder weg/ welche für vnd für in Sünden fortfahren/ trit/ Sondern hat lust zum Gesetze des Herren / vnd redet von seinem Gesetze tag vñ nacht/ fürchtet Gott vnd richtet sich nach dem offenbarten vnd gewissen worte Gottes/ vnd gründet auff dasselbige seinen glauben / füret auch einen Gottseligen/erbarn vnd aufrichtigen wandel / bescheret Gott ein frommes tugentsamen Ehe weib.

Dij Aus

Aus diesem erscheinet / was die Ursachen eines
vnruiigen bösen Ehestandes sein / vnd woher es oft
kumpt / das Weib vnd kindt so vnwendig sein / vnd vbel
geraten / das machts das man Gott nicht fürchtet /
auff seinen wegen nicht wandelt / vnd in nie mit ernst-
lichem Gebet / das er ein from Gemahl vnd kinder
geben wölle / ersucht hat. Was sol denn Gott geben
wo er verachtet / vnd nicht gebeten wirdt.

Zum Dritten.

Was ist denn nu ein Man gebessert / wenn er
Gottfürchtig ist / vnd ein tugentsames Weib be-
kompt.

Darauff gibt Syrach ein guten bericht / vnd
spricht also / Er sey Reich oder arm / so ist ihm
ein trost / vnd macht in alle zeit frölich.

Worinnen stehet denn solcher trost?

Antwort.

In vier stücken.

1
der stand
gefolgt sind
Zum Ersten / das ein solcher Man / der mit ei-
nem tugentsamen Weibe im Ehestande sitzet / weis
das sein standt für Gott gesegnet vnd gut ist / Vnd
das er in demselben / neben seinem frommen Ehege-
mahl

mahl/ Gott mit guten gewissen anrufen / vnd ihme dienen kan/ Das auch seine handtierung vnd thun/ das er in solchem Götlichen stande/ Christlicher vnd ordentlicher weise/ nach seines beruffs erheischunge treibet/ Gott wolgefellig/ vnd ein besserer Gottesdienst ist/ dann alle selb erwelete wercke / des ganzen Papsthumbs.

Zum andern/ stehet auch sein trost darinnen/ das er gewis ist / das er einen gnedigen Gott habe / welcher ime / aus gnaden / sein tugentsames frommes Ehegemahl gegeben hat. Dadurch er inen neben seinem worte / seines gnedigen willens versichert/ vñ dabey auch zugesaget hat / Ime (wie aus den eingefürten Psalmen gehöret) allerley Geistliche vnd leibliche seggen zugeben.

Zum dritten stehet sein trost darinnen/ das er weis das ime der Satan nicht schaden könne. Denn ob ers wol versuchen mag/ vnd auff allerley weise fürnimpt / seinen willen zuschaffen / vngelücke / böses vñ schaden anzurichten / So thut im doch der Herr widerstande/ vnd vorhenget ime nicht. Denn seine Gottfürchtigen lest er ime trewlich befohlen sein / wie im 33. Psalm stehet / Siehe des herren auge / siehet auff die so in fürchten / die auff seine güte hoffen. So hat er seine liebe Engel vmb die Gottfürchtigen Eheleute

D iij

ver

2
er soll sich
gndig Gott

3
In dem
Am 1. 1. 1.
mit dem

4. 33

Verordnet/ das sie vber in/ vnd den iren wachen/ wider
die teuffel streitten / vnd die frommen auff iren wegen
schützen sollen. Psalm. 34. Der Engel des Herrn la-
gert sich vmb die her/ so in fürchten vnd hilfft in aus.

4.34

Solches alles können sich die / so dem Ehestandt
feind sein / vnd one Gottes fürcht auffer demselben
leben nicht trösten/ Denn das Antlitz des Herrn ste-
het vber die / so böses thun / das er ihr gedechtnis
ausrotte von der Erden / Psalm. 34.

4.34

4

*er sich in seinem abwesen seines tugent-
samen Weibes
im abwesen
ihres treuen
v. J. J. J. J. J.
trösten.*

Zum vierdten/hat er auch den lieblichen trost/das
er sich in seinem abwesen seines tugent-
samen Weibes
chelicher treu vnd glaubens / darzu fleissiges Haus-
haltens gewisz weis zu trösten / vnd sein hertz darff
sich auff sie verlassen.

Dieses machet nu einen Man frölich (spricht
Sprach) Er sey Reich oder arm / vnd ist stettz ime
ein hertzlicher trost/das er weis / das er seines frommes
Weibes so viel gebessert sey.

Also habt jr aus dieser Predigte gehört

Erstlichen/ was ein tugent-
sames Weib/ vnd
wofür es zuhalten sey.

Zum andern/ Weme/oder welchem Manne von
Gott ein solch from vnd tugentsames Weib bescheret
vnd gegeben werde.

Zum dritten/ was ein Man eines tugentsamen
Weibes gebessert sey/ vnd was er guts von jr bekom-
me.

Dem Almechtigen Ewigen Gott / Stifter vnd
Erhalter des heiligen Ehestandes/ sey für
solche Lere/Lob vnd preis gesaget/
in Ewigkeit/

A M E N.

Gedruckt zu Dresden durch Mat-
thes Stöckel.

1574.

Ha 4810 BK

Einzelne / wozu man sich
nicht bedient / sondern
in Ordnung


1274

Einzelne / wozu man sich
nicht bedient / sondern
in Ordnung

1274

M





B.I.G.

Farbkarte #13

v. Carlowitz

Hochzeit Pre-

digte:

Za
4810

X1580.143

urfürstlichen

den / bey der Hochzeitli-
eude / Des Edlen / Bestrengen
mi von Carlowitz / vnd der
agentsamen Frauen Anna
ehen den 22. Februarij/
o 1574.

Syrach am 26. Capittel.
am Weib / ist eine
gabe / etc.

Durch

GIVM LISTE

fürstlichen Sächsischen
ger zu Dresden.

74.

BIBLIOTHECA
RONICKAVIANA